



Bkk Nett AS  
Postboks 7050  
5020 BERGEN

Referanser:  
Dykkar:  
Vår: 20/11969 - 20/46765

Saksbehandlar:  
Astrid Riise  
astrid.riise@alver.kommune.no

Dato:  
24.07.2020

## Godkjenning av tiltaksplan - gbnr 318/6 Øvre Sagstad

**Administrativt vedtak:** Saknr: 002/20  
**Tiltak:** Godkjenning av tiltaksplan  
**Byggjestad:** Gbnr: 318/6  
**Tiltakshavar:** BKK Nett AS

**Søknadstype:** Søknad om godkjenning av tiltaksplan, jf. Forskrift om begrensning av forurensning § 2-8 (forureiningsforskrifta)

### VEDTAK

Alver kommune godkjenner den innsende tiltaksplanen av 17.06.2020 i samband med oppsett av nye master til ein høgspenteledning og fjerning av eksisterende master, som går i luftline i eit område på Øvre Sagstad, jf. forurensningsforskrifta § 2-8. Vedtaket gjeld for grunnforureining, gnr. 318/6, Øvre Sagstad, Alver.

Vi godkjenner tiltaksplanen med dokumentkode: 10219325-RIGm-RAP-001 med følgjande tilleggsvilkår: Arbeidet med oppsett og fjerning av mastene skal ikkje skje i periode med mykje nedbør.

### SAKSUTGREIING

BKK skal setje opp nye master til en høgspenteledning som skal gå i luftline over Øvre Sagstad i Alver kommune. Eksisterende master, som består av stolpar som er CCA-impregnerert, skal fjernast og nye master med to stolpar skal setjast ned. Ein av dei eksisterende mastene ligg like oppstraums ei open drikkevasskjelde, og BKK var bekymra for at gravearbeida ved denne masten kunne påvirke drikkevasskjelda. Multiconsult Norge AS vart difor engasjert av BKK Nett AS til å utføre miljøgeologiske grunnundersøkingar ved den nemnde masten. I tillegg har Multiconsult Norge AS tatt vassprøvar av ei nærliggjande privat drikkevasskjelde.

Det er totalt tatt to jordprøver, ned til 0,5 m under terreng. Det er og tatt ein vassprøve av drikkevannet i den opne drikkevasskjelda.

I ein av prøvane vart det påvist konsentrasjon av arsen tilsvarande tilstandsklasse 3, som indikerer moderat forureining, mens i den andre jordprøven vart det ikkje påvist konsentrasjonar av miljøgifter over normverdi. Desse massane blir då å rekne som reine. I vassprøven frå den opne drikkevasskjelda vart det påvist konsentrasjon av sink tilsvarande tilstandsklasse II, som indikerer at tilstanden er god.

## **VURDERING**

Kommunen legg tiltaksrapporten for Øvre Sagstad til grunn og meiner at prøvetakinga som er gjennomført ser ut til å vere tilfredsstillande for å kunne vurdere omfanget av forureininga.

## **Krav til tiltaket**

Tiltaket skal gjennomførast i samsvar med tiltaksplan datert 17.06.2020 med dokumentkode 10219325-RIGm-RAP-001 og sørgje for:

- at tiltaksområdet, som eit minimum, møter krava til planlagd arealbruk, sjå rettleiinga [Helsebaserte tilstandsklasser for forurenset grunn, miljodirektoratet.no](https://www.miljodirektoratet.no/tema/helsebaserte-tilstandsklasser-for-forurenset-grunn)
- å hindre uakseptabel spreiding av miljøgifter frå tiltaksområdet under anleggsverksemda og etter ferdigstilt tiltak
- at forureina massar som vert fjerna frå tiltaksområdet, skal leverast til godkjend deponi eller behandlingsanlegg med løyve etter forureiningslova.
- at det blir tatt prøvar av området etter at dei forureina massane er fjerna, for å dokumentere at massane som er att ikkje er forureina ut over tilstandsklasse 3, sjå rettleiinga [Helsebaserte tilstandsklasser for forurenset grunn, miljodirektoratet.no](https://www.miljodirektoratet.no/tema/helsebaserte-tilstandsklasser-for-forurenset-grunn).

## **Krav om kontroll og beredskap**

- Anleggsområdet skal til ei kvar tid vera tilstrekkeleg sikra slik at området ikkje er tilgjengeleg for allmenta.
- Kommunen skal til ei kvar tid ha tilgang til anlegget for inspeksjon
- Det skal utarbeidast ein beredskapsplan for handtering av ukjend eller akutt forureining i grunnen
- Det skal vera ein miljøkonsulent til stades ved graving i forureina massar
- Ved akutt forureining eller fare for akutt forureining som følgje av tiltak, skal den ansvarlege straks varsle brannvesenet jf. forskrift om varsling av akutt forureining eller fare for akutt forureining.

## **Krav om graving og sortering av forureina jord skal sørgje for**

- at miljøgifter ikkje blir spreidde dersom de grev opp forureina masser
- å unngå å blande forureina massar med reine massar
- at ved gjenbruk/ombruk av masser på eigedommen, skal reine massar og massar med låg forureiningsgrad prioriterast framfor massar med høgare forureiningsgrad
- å gjennomføre tiltak for å minimere tilstrøyming av overflatevatn til byggjegroper
- etablere rutiner for å handtere vatn i byggjegropene, til dømes ved å etablere sedimentasjonstank og hente inn løyve frå kommunen for påslepp til kommunalt avløpsnett

## **Krav til mellomlagring av forureina jord**

- Mellomlagring av forureina jord på tiltaksområdet, skal dette skje på ein slik måte at miljøgiftene ikkje blir spreidde
- Mellomlagring av forureina masser som kan lekkje, skal skje på tett botn og skjermast mot nedbør.
- Avrenningsvatn frå området skal samlast opp

Dersom forureina massar skal mellomlagrast utanfor tiltaksområdet, må det innehentast løyve frå Fylkesmannen.

Rapporten frå Multiconsult Norge AS beskriv utført arbeid, legg fram resultata frå undersøkinga, og gjev ei vurdering av forureiningssituasjonen i jordmassane i forhold til Miljødirektoratets rettleiar TA-2553/2009 «*Helsebaserte tilstandsklasser for forurenset grunn*» og ei vurdering av forureiningssituasjonen i vassprøva frå drikkevasskjelda i forhold til rettleiar 02:2018 /2/. Rapporten inneheld og ein tiltaksplan for graving og bygging på forureina grunn i forhold til forurensningsforskrifta kapittel 2. .

### **Rapportering til Grunnforureining**

De må rapportere lokaliteten til Miljødirektoratets database Grunnforurensning innan 3 veker frå dette vedtaket er motteke, dersom dette ikkje allereie er gjort.

### **Tiltakshavar sitt ansvar**

Tiltakshavar er ansvarleg for at arbeidet vert utført i samsvar med dette vedtaket og forskrift om bregransking av forbrenning kap. 2. Kommunen si godkjenning endrar ikkje tiltakshavar sitt ansvar for at tiltaka er tilstrekkelege etter § 2-5 i forskrifta.

### **Endringar i tiltaksplanen**

Dersom det oppstår vesentlege endringar i tiltaksplanen, eller dersom det vert oppdaga meir eller anna forureining enn det som blei kartlagt, må det sendast inn revidert tiltaksplan. Kommunen må godkjenne den reviderte tiltaksplanen før endringane blir sette i verk.

### **Sluttrapport for forureina grunn**

Når arbeidet er ferdige, skal det sendast inn sluttrapport til kommunen med skildring av korleis tiltaksplanen er følgt opp, og korleis dei forureina massane er handterte. Det skal koma fram av dokumentasjonen kva type forureina massar eller anna avfall som er levert, kvar det er levert, kva mengder og dato for levering. Dokumentasjonen skal vera frå mottakaren av massane.

### **Mynde**

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegeringsreglement.

### **Klagerett**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: 20/11969

Med vennleg helsing  
Alver kommune, Miljø og tilsyn

Silje Haukedal  
Avdelingsleiar

Astrid Riise  
rådgjevar

*Dette dokumentet er elektronisk godkjent og har difor ingen signatur.*

**Mottakarar:**  
Bkk Nett AS

Postboks 7050

5020

BERGEN